

景定建康志卷之四十三

承直郎宜差充江南東路安撫使司幹公事周應合修纂

風土志二

古陵

古越王塚在句容縣

**考證**王名翳周安王時薨葬句容大橫山下

**吳大帝陵**在蔣山之陽去城一十五里

舊志

**考證**吳志神鳳元年大帝崩葬蔣陵 寰宇記

在縣東北蔣山八里 丹陽記云蔣陵因山為

建康志卷四十三

一

名 輿地志云九日臺當孫陵曲折之傍故名

蔣陵亭 今蔣廟西有孫陵岡蔣陵地也

何經孫

氏陵詩在昔炎靈厭神器若無依逐兔爭先  
倚鹿競因機呼吸開霸道叱吒掩江畿豹變分  
奇略虎視肅戎威長蛇虬巴漢冀馬絕淮淝交  
戟無內禦重門豈外扉成功終已棄凶德懷而  
違水龍忽東驚青蓋乃西歸竭來易永久年代  
暖微微苔石疑文字荆墳失是非山鷲空曙響  
隴月自秋輝銀海終無浪金鳧永  
不飛聞聞今如此望望沾人衣

步夫人陵在蔣陵

舊志

**考證**吳志赤烏元年追拜夫人步氏為皇后後

合葬蔣陵 今蔣廟西南有孫陵岡上有步夫

人墩墩之側有夫人塚乃其地也

**宣明太子墳**亦在蔣陵

舊志

**考證**吳志大帝皇太子登初葬句容後三年移

葬鍾山西蔣陵

**晉康帝陵**

**晉簡文帝陵**

**晉孝武帝陵**

**晉安帝陵**

**晉恭帝陵**

**考證**實錄康帝建元三年葬崇平陵簡文帝咸

安二年葬高平陵孝武帝太元二十一年葬隆

建康志卷四十三

二

平陵安帝義熙十四年崩明年葬休平陵恭帝

元熙二年葬冲平陵五陵並在鍾山之陽皆不

起墳

**晉元帝陵**

**晉明帝陵**

**晉成帝陵**

**晉哀帝陵**

**考證**實錄元帝永昌元年春葬建平陵明帝太

寧三年葬武平陵成誼咸康八年葬興平陵哀

帝興寧三年葬安平陵四陵並在雞籠山之陽

皆不起墳

晉穆帝陵在幕府山前近西里俗相傳穆天子墳卽

其地也

舊志

**考證**實錄穆帝升平五年葬永平陵在幕府山

宋武帝陵在縣東北二十里

舊志

**考證**實錄宋高祖永初三年葬初寧陵隸建康

縣蔣山 政和間有人於蔣廟側得一石柱題

云初寧陵西北隅以此考之其墳去蔣廟不遠

宋文帝陵在縣東北二十五里與武帝陵相近

舊志

**考證**文帝元嘉三十年葬長寧陵

建康志卷四十二

三

袁后陵卽文帝后合葬長寧陵

舊志

**考證**南史元嘉十七年葬先皇后袁氏于長寧

陵長寧卽文帝陵也

宋明宣沈太后陵在今寶林寺西南有墳壠相傳爲

國婆墳疑卽沈后所墳之地

舊志

**考證**南史宋明宣沈太后爲文帝美人生明帝

元嘉三十年葬建康之幕府山

宋明帝陵在幕府山西與王導墳相近今山前有墳

壠晉穆帝陵在山南或以西爲明帝之墓

舊志

**考證**明帝泰豫元年葬高寧陵隸臨沂縣

**齊明欽皇后陵**在今淳化鎮之北

**考證**南史齊明欽劉皇后永明七年葬江乘縣

張山

**梁昭明陵**在城東北四十五里賈山前與齊文惠太子同處排陵並葬

**蕭墓堽**西去縣三十五里或云蕭梁帝陵寢未詳

**陳高祖陵**在上元縣東崇禮鄉地名陵里有曰天子林其地有石麒麟二里俗相傳卽陳高祖墓也去城

建康志卷四十二

四

二十五里

舊志

**考證**陳高祖永定三年葬萬安陵隸城東南古

彭城驛側

**陳文帝陵**在縣東北陵山之南今鴈門山之北

舊志

**考證**陳文帝天康元年葬永寧陵

諸墓

**左伯桃墓**羊角哀墓並在溧水縣南四十五里儀鳳鄉孔鎮南大驛路西

**考證**烈士傳云左伯桃羊角哀燕人也二人爲

友聞楚王待士乃同入楚至梁山值雨雪糧少  
伯桃乃併糧與哀令往事楚自餓死於空樹中  
哀至楚爲上大夫乃告楚王備禮葬於此一夕  
哀夢伯桃告之曰幸感子葬我柰何與荆將軍  
墓相鄰每與吾戰爲之困迫今年九月十五日  
將大戰以決勝負幸假我兵馬叫噪塚上以相  
助哀覺而悲之如期而往歎曰今在塚上安知  
我友之勝負乃開棺自刎而死就葬伯桃墓中  
劉孝標廣絕交云續羊左之徽烈正謂是也唐

建康志卷四十二

五

大歷六年顏真卿過墓下作詩吊之

此詩書於  
蒲塘客館

大中十一年宣歙池觀察使鄭薰徙魯公墨  
蹟置宣州之北望樓作文以記之詩今亡

熙

寧中太子中允關杞知縣事夢二人告之曰余  
羊左也爲魏倫所苦出祭文百餘篇示杞旣覺  
僅能記其一語云千花落兮奠酒空明日問之  
邑人有魏倫者以錢買羊左墓木將伐焉杞遽  
止之乃表墓事見胡宗愈詩

詩云古有二烈士  
羊左哀與桃結交

事遊學心若膠漆牢遠聞楚王賢待士皆英髦  
負笈首燕路不憚千里勞行行及梁山雨雪填  
巖壑途窮食不繼餓口空罄罄無爲俱死爾原  
野徒身膏我留子獨往命各繫所遭慷慨示一

年	逐	墳	苟	千	同	粟	懷	淪	詩	風	幸	有	道	散	久	杯	今	既	俱	一	交	芟	墓	魏	文	睹	能	斬	勿	石	手	蕭	王	既	訣
勿	鄰	難	義	騎	躑	傾	羊	喪	刻	迴	逢	所	絕	落	徘徊	精	溧	達	往	時	戒	薌	木	倫	百	斯	逃	餘	反	相	颺	聞	仕	併	
頸	萬	鬼	俠	下	角	糧	與	末	石	還	太	矯	雅	隨	感	靈	水	感	空	才	所	英	合	者	本	凜	氾	若	遊	叔	義	楚	糧		
交	吏	溘	輕	棺	哀	活	左	世	廟	顧	丘	巨	歌	塵	歎	菊	突	舊	雙	為	操	靈	數	相	皆	凜	水	名	遨	其	爵	解			
所	部	死	殺	櫬	哭	一	重	尤	中	勢	長	燄	字	埃	發	兀	否	肝	聞	楚	樞	儼	抱	侵	曹	上	節	狼	忠	位	衣				
爭	彌	皆	戮	子	前	土	義	辭	元	利	揭	明	類	空	篇	穴	膽	伯	王	密	如	私	意	冠	水	論	初	嗥	義	禮	聯	袍			
利	鞏	碌	雖	長	途	誓	踰	覆	祐	交	表	寒	草	餘	詠	古	摧	桃	賢	蔣	舊	欲	其	甚	功	相	秦	一	喪	葬	執	僵			
害	宰	碌	云	何	伯	不	血	谷	中	市	旌	灰	木	鄭	灑	木	念	乃	翩	之	雖	揮	饕	奇	危	傳	高	末	友	遷	羔	坐			
僅	溧	何	匪	所	桃	俱	屬	風	知	道	泉	茲	尚	薰	翰	風	此	獨	然	奇	久	斧	詰	古	望	子	敖	餘	道	蓬	顧	空			
毫	水	事	中	疑	槁	死	客	歌	縣	良	臺	事	萎	記	鏡	生	併	留	自	詩	不	刀	朝	一	語	敖	旦	耳	所	皆	孤	懷	穴		
毛	日	荆	制	舊	空	辱	行	焚	周	可	寥	雖	死	片	瓊	雷	糧	餓	燕	結	聞	移	二	晤	江	較	成	輩	得	沼	風	交	中		
一	有	將	要	史	谷	風	千	輪	邦	哀	寥	過	小	石	瓊	魯	惠	死	來	交	韜	文	花	語	開	此	眦	遇	無	沼	風	舊	視		
朝	詩	軍	可	刊	終	風	楚	黃	鳥	邑	寥	中	義	何	瑰	公	告	梁	一	有	其	禁	落	語	蔚	豈	此	時	秋	平	激	心	死		
氾	詞	操	興	不	乘	風	王	烏	彥	宰	寥	義	何	足	惜	昔	還	山	旦	羊	其	採	空	蔚	不	此	方	毫	居	類	血	輕			
水	云	戈	薄	錄	大	風	冬	譬	詩	周	間	亦	懷	末	哉	過	葬	限	食	左	我	伐	莫	陶	愧	此	時	方	論	俗	泣	鴻			
相	餘	相	俗	獨	夫	風	雪	伐	古	邠	下	亦	懷	末	末	之	遣	角	食	之	今	表	醪	示	清	此	時	莫	論	千	聲	毛			
屠	耳	相	荒	行	車	風	無	木	交	跋	激	壯	我	世	今	骸	哀	食	左	之	人	識	古	茲	清	此	時	逆	莫	千	號	角			
戮	當	窘	荒	貴	車	風	斗	永	久	此	清	哉	思	友	存	至	仕	欲	是	惟	五	嚴	豪	祭	安	此	時	握	逆	清	號	角	哀		

豈識羊哀左伯桃交情切戒勤終墮以義存心  
心必果死生可託永無睽自古中山說羊左羊  
左合人我左既孫糧甘自餓羊仕楚王官職大  
依舊殺身蓬顆顏公疇昔曾經過佳詠至今傳

播

書此爲諸墓先又加詳焉非語恠也將以厲

薄俗也

### 西漢甄邯墓在後湖之側

**考證**南史宋張永嘗開元武湖遇古塚塚上得

一銅斗有柄文帝以訪朝士著作郎何承天曰  
此亡新威斗王莽時三公亡皆賜之一在塚外  
一在塚內時三台居江左者惟甄邯爲大司徒

建康志卷四十三

七

必邯之墓又啓塚內更得一斗復有一石銘云  
大司徒甄邯之墓

### 後漢史君崇墓在溧陽縣北三十里

舊志

**考證**崇爲司空驃騎將軍青冀二州刺史贈溧

陽侯使持節徐兗二州刺史有神道碑在墓所  
晉永和八年立唐正觀十四年十八代孫越王  
府東閣祭酒常州長史仲謨題云隋末大亂避  
地閩越碑壞再立其頌曰山嶽降精川瀆耀靈  
猗歟史氏世濟其英忠言允塞嘉猷有聲從容

變理散誕飛纓含香青瑣敷奏丹庭有犯無隱  
唯言是聽王室斯賴諸侯以寧內侍帷幄外典  
專城爲政以德察獄以情化俗草偃溪谷風清  
金相玉質不隕厥名處溢不驕居勞不憚視險  
如夷忘身逐叛駟頌美魯青蒲安漢執簡書懋  
姦邪逃竄匪君之忠孰能戡亂在昔隆漢姻婭  
皇家唯帝念功爵命屢加三台五鼎駙馬奉車  
腰佩兩印綬帶雙綯何彼穠矣常棣之華如珪  
不玷似玉無瑕節之以禮儉而不奢篤生我侯

英略備舉有藝有才能文能武孝以奉親忠惟  
衛主赤眉始結白波猶侮執銳破堅斬馘滅虜  
截彼長蛇殲斯猾豎策賞廟堂書勲王府功成  
弗居名立不取簡在帝心酬封祚土厥土惟何  
在溧之澣初食三千卒封萬戶葭菼揭揭麀鹿  
麇麇禾役旆旆原田膺膺俯營川陸魚鹽所聚  
蝗飛火滅還珠去虎子民輯悅建茲城宇大廈  
眈眈聽政之所祠堂石殿生靈攸處闕一字春秋兮  
祭祀不阻



溧陽侯陶謙墓在溧陽縣

**考證**後漢書獻帝興平元年溧陽侯陶謙卒且葬張昭哀之其詞曰猗歟使君君侯將軍膺秉懿德允武允文體足剛直守以溫仁令舒及廬遺愛于民牧幽暨徐甘棠是均憬憬夷貊賴侯以清蠢蠢妖寇匪侯不寧唯帝念績爵命以章既牧且侯啓土溧陽遂升上將受號安東將平世難社稷是崇降年不永奄忽殂薨喪覆失恃民知困窮曾不旬日五郡潰崩哀我人斯將誰仰憑追思靡及仰叫皇穹嗚呼哀哉觀張公辭意則陶侯之賢可想矣

建康志卷四十二

九

**吳丞相萬彧墓**在溧陽縣南五十里惠德鄉銀方山

下  
舊志

**考證**吳志孫皓寶鼎元年彧爲右丞相鳳皇元年被譴憂死

**吳甘寧墓**在直瀆山下

舊志

**考證**伏滔記吳將甘寧墓在直瀆之下俗云墓有王氣孫皓惡之鑿其後爲直瀆

**僊翁葛元墓**吳太極左僊翁葛元墓在句容縣西南一里郡國志云句曲有葛元冢

**諸葛恪墓**舊府志及句容縣志皆言在句容縣石子崗今考恪墓實在城西南

**考證**恪仕吳累官至州牧爲孫峻所殺葬石子崗先是童謠曰諸葛恪蘆葦單衣篋鈎落於何相求成子閣成子閣者反語石子崗也建業西南有長陵名石子崗今清涼寺側亦有石子崗峻殺恪處非句容也詳見石子崗下

建康志卷四十二

十

**晉山簡墓**在樂遊苑內

舊志

**考證**晉永嘉六年征南將軍荊州刺史山簡卒歸葬建康眞武湖南覆舟山之陰

**溫嶠墓**初葬豫章朝廷追思之乃爲造大墓還葬元明陵北幕府山之陽

舊志

**考證**按晉書嶠拜驃騎將軍開府儀同三司散騎常侍封始安郡公初葬豫章後朝廷追嶠勲德將爲造大墓於元明二帝陵之北陶侃上表願停移葬詔從之其後嶠妻何氏卒子放之便

載喪還詔葬建平陵北卽是嶠妻何氏墓非嶠墓也

**郭璞墓**真武湖中有大墩里俗相傳曰郭璞墓舊志

**考證**按晉書王敦加荊州牧敦將舉兵使璞筮璞曰無成敦怒收璞斬之時在武昌或歸葬於此未可知也世傳璞墓非一恐未可執此爲是

**卞壺墓**在冶城舊志

**考證**晉蘇峻之亂尙書令右將軍卞公壺力疾率厲散眾及左右吏數百攻賊苦戰死之二子

眈眈見父沒相隨赴賊同時見害並葬冶城義熙間盜發壺墓尸僵鬢髮蒼白面如生兩手悉拳爪甲穿達手背安帝詔給錢十萬以修瑩兆

**齊梁續加修治**齊任彥升代綏建太守卞彬謝

鄭義泰宣勅當賜修瑩臣高祖晉故驃騎大將軍建興忠貞公壺墳塋臣門緒不昌天道所昧忠邁身危孝積家禍名教同悲隱淪惆悵而年世賢遭孤裔淪塞遂使碑表蕪滅丘樹荒毀狐兔成穴童牧哀歌感慨自哀日月纏邁陛下宏宣教義非求効於方今壺餘烈不泯固陳力於異世但加等之渥近闕於晉典樵蘇之刑遠流於皇代臣亦何人敢謝斯幸不任悲荷之至

南唐於墓所建忠貞亭穿地得斷碑徐鍇爲之

識 本朝慶歷三年葉公清臣改忠孝亭元祐

八年曾公肇為堂繪壺像其中列諸祀典為之

記建炎兵革碑燬不存史公正志取曾公記重

刻石

記云江寧府之天慶觀吳冶城地也有晉卞忠貞公墓在焉按公諱壺官至尚書令

右將軍蘇峻之難與其二子力戰死之謚忠貞  
葬冶城後七十餘年盜發公墓尸僵如生鬢髮  
蒼然爪甲穿達手背安帝賜錢十萬封之入梁  
復毀武帝又加修治李氏有江南建忠貞亭於  
其墓北穿地得斷碑公名存焉徐公錯實為之  
識本朝慶歷中知府事龍圖閣直學士葉公清  
臣又封墓刻石表之改亭名曰忠孝後五十年  
余來守是邦即亭為堂圖公像其中列之祀典  
春秋祠焉或曰將軍死綏職也自古伏節死難  
之臣眾矣何歎祠公哉余曰不然晉自渡江崎

嶠百年王敦蘇峻桓溫父子相繼稱兵內侮其  
弱甚矣敦峻之亂自劉隗刁協庾亮啓之然寇  
至輒遁王導亦避峻出奔數人皆執政大臣或  
元舅故老一時之望而倉卒之際委主於賊苟  
求自全况其下者哉此無它自西晉以來清談  
勝而節義廢故學士大夫不以苟免為耻公於  
是時歟能見危授命破家為國其過人遠甚矧  
公剛烈鯁直見於平生王導貴重雖天子猶卑  
下之而公數攻其失可謂柔不茹剛不吐者矣  
至於當官幹實日矯革放誕敦崇名檢為任其  
志豈苟阿時好目取容流俗者哉及亮之召峻  
舉朝知其不可而莫敢正言公歎固爭不從卒  
蹈其禍蓋其始雖更節如此異乎匹夫之勇効  
死於一旦者矣雖更世聞其風者猶將感激  
奮厲想見其為人况神靈所依拱木猶在祠之  
所目尉忠魂於地况節義於衰俗豈苟然哉  
在禮目死勤事則祀之歷代之制賢臣之墓芻  
牧有禁維公所立實應二法况夫遠論隨會見

思九原近稽巡遠血食雙廟則公於斯祀夫何  
歎哉堂成賓屬曰願有識余不得辭迺併著所  
以祠公之意使來者有考云左朝請大夫充寶  
文閣待制知江寧軍府事曾肇記曲阜文昭公  
日元祐八年自彭城鎮建業明年移河間經建  
炎兵火記刻久失之見于廟壁後七十有六年  
得番陽章甫隸而移之石乾道四年三月壬申  
右朝散郎直祕閣江東路轉運判官韓元吉  
題左朝散郎直顯謨閣權發遣江南東路計度  
轉運副使公事兼本路勸農使趙彥端左朝請  
郎尚書戶部員外郎總領淮西軍馬錢糧專一  
報發御前軍馬文字葉衡左朝奉郎充集英  
殿修撰知建康軍府事充江南東路安撫使馬  
步軍都總管兼行宮留守司公事兼沿江水  
軍制置使史  
正志立石

嘉定四年黃公度建忠孝堂治城

### 樓於墓側

馬公之純詩當時風俗尚清談笑道  
公心瓦石含臨難此曹皆處女惟公

一箇是奇男一門忠孝真難得六代衣冠孰與  
參墓草沒頭人不見令人惆悵極無堪  
**曾極**詩握節顏公拳透爪歸元先軫面如生晉  
陵發掘今無主獨有忠覓占冶城  
哀哉戰死國門邊忠孝千年獨兩全蓋有完軀  
保妻子誕謾奏凱說麋捐北谷羅愚詩節義  
之風古所褒清談於晉視如毛百  
年王謝丘墟了惟卞將軍墓最高

詳見冶城樓

### 忠孝亭忠烈廟

### 謝安墓在城南九里梅嶺崗

**考證**漢晉紀事云謝安墓前惟立一白碑當時

謂難述其功德耳按南史齊豫章文憲王蕭嶷  
薨郡吏南陽樂藹與右率沈約書請為碑文蒼

曰郭有道漢末之匹夫非蔡伯喈不足以耦三

絕謝安石素族之白輔時無麗藻迄乃有碑無

文蓋謂此也安墓舊在城南梅崗 南唐書云

梅頤崗相接處卽謝安墓

野亭馬公之純詩中興江左百餘年人物

誰如太傅賢桓賊尋常思問鼎符秦百萬已臨

邊笑談解折姦雄銳指顧能摧敵陳堅平昔經

綸纒試此依然賈恨向重泉

**王祥墓**在城西南八十里化成寺之北有斷碑

**衛玠墓**在新亭東去城一十里

舊志

**考證**玠字叔寶河東安邑人以天下大亂遂扶

建康志卷四十二

十四

老母將家南行至豫章以王敦非純臣而不久

留來向建業京師人士聞其姿容觀者如堵卒

年二十七葬新亭東今在縣南十里時人謂看

殺衛玠

**顏含墓**右光祿大夫西平靖侯顏府君葬靖安道旁

**考證**晉顏含乃唐時真卿十四世祖也得古碑

於靖安道旁乃李闡及顏延之文墓不知所在

君諱含字宏都琅邪臨沂人春秋以降戰國以

前賢智比肩備于載策昭穆次序上至顏燭漢

未喪亂舊譜淪亡自青州使君以上不復詳具  
祖欽給事貞侯父默汝陰太守學素相承有聲  
邦黨君幼稟貞粹長而好古睦親之譽發於羈  
貫每讀書見孝友通靈之事輒悽然改容以爲  
人神相與何遠之有但患人心澆僞自絕於神  
耳苟能無以僞雜真神其捨諸修己立誠盡歡  
就養訓行閨門義達州里久要心許之信夷險  
不爽正冠納履之嫌終始不蹈兄畿患亡更生  
君棄絕人事蓬首屏氣以就唿養者十有三年

次

闕一字

敏欽孫老而失明合藥須髯虵膽有青衣

童子持裹授君出戶化成青鳥飛去本州辟不  
就鎮東琅邪王參軍事過江累遷東閤祭酒朝  
議謂君正性端素學行通深有命太子中庶子  
轉黃門侍郎本州大中正封回車縣侯轉侍中  
吳郡太守事停還除侍中國子祭酒加散騎常  
侍光祿勳以年遜位就加右光祿大夫門施行  
馬特賜牀帳被褥四時致膳固辭不受馮懷欲  
爲王導降禮君不從曰王公雖重故是吾家阿

龍君是王親丈人故呼王小字王處明君之外弟爲子允之求君女婚桓溫君夫人從甥也求君小女婚君竝不許曰吾與茂倫於江上相得言及知舊拉淚叙情茂倫曰唯當結一婚姻耳吾豈忘此言溫負氣好名若其大成傾危之道若其闕一敗也罪及姻黨爾家書生爲門世無富貴終不爲汝樹禍自今仕宦不可過二千石闕一字婚嫁不須貪世位家時議者以君審裁將以應軍司之選君遽告蔡謨曰此非輕弱所宜尸忝

羯逆方熾當保國養民後俟事會想愛人以禮宜寢此言主相聞之卒不授督統之任謨秉君此言終不唱討賊之計在朝正立不昵權豪及致仕退居長子髦解職視膳中子謙躬率田桑中外莫不取給闔門靜軌廿餘年九十三薨遺命素棺薄斂吉凶官飾一無施列天子嗟悼詔賜墓田謚曰靖侯禮也停柩在殯鄰家失火三子抱柩號惶分同灰燼焱爛垂及欵然頓滅論曰君平生素行旣感達幽靈終殯在堂又獲福



異豈神祇保佑以顯淳德乎闡託姻顏氏頗識  
舊聞與君二子髦約採集言行而著此傳銘曰  
嶠夷導日岱方裡春星離望合水別浸鄰少陽  
畜德蒼祇效神孕僊字聖誕智息仁洙上道奧  
稷下儒淵乃肯宗林傾席曜筵升門取儁接室  
稱賢闔則遯哀燭亦抗宣獷彼琅邪實惟海宇  
憬屬之罟邪臨潮櫂載濟越師大淹秦旅誰其  
來遷時聞遠祖青州隱秀爰始貞居內辭鼎府  
外康邦閭建節中平分竹黃初刑清齊右政偃

營區葛嶧明懿平陽聰理或薦公庭或登宰士  
列美霸朝雙風千里華萼之茂於昭不已博士  
淵退再逡儒躬貞子七穆比世稱盛無忝汝陰  
有偉安定舍人攷敏亦允儲命靖侯潛德信豈  
在明言則測幽歎實聳靈仁親之寶大孝之榮  
官必凝績學乃敦經隨難蕃霸特安闡掖扶元  
陟帝翼成復辟忌滿裁婚鑒沖貶石望年靜駕  
樂恬延歷三祖連光眾門稟教於時列孝克端  
殊操潔景衡陰湮心理奧任不窮秩是謂高蹈

山曾木

字 闕一

胄積芟深永惟世

字 闕一

思樹梓林碑表

有毀策素匪任誦靈墳阿長寄風音晉江夏李  
闡字宏模傳曾孫宋金紫光祿大夫贈特進延  
之字延年銘大歷七年歲次壬子夏四月甲寅  
十四代孫唐金紫光祿大夫前行撫州刺史上  
柱國魯郡開國公眞卿書重建於舊龜趺上

**史萬壽墓**在溧陽縣東北三十五里

舊志

**考證**晉書萬壽爲安南將軍蔡州刺史

**史爽墓**在溧陽縣東北十五里

舊志

建康志卷四十二

十八

**考證**晉書史爽爲冠軍將軍

**馬訓墓**在溧陽縣東北三十里

舊志

**考證**晉書訓爲南海太守

**呂游墓**在溧陽縣東北五十里

**考證**晉書游爲尚書起居郎廬陵太守

**史光墓**在溧陽縣東南四十里

舊志

**考證**晉書光爲中書侍郎

**史憲墓**在溧陽縣東北五十里

舊志

**考證**晉書憲爲尚書山陰侯 史窳撰神道碑

云伊昔有熊道德資始名列五帝澤流千祀文  
捨伯邑武興太史官有世功春秋所紀衛尉疇  
嗣孝成以康將軍樹績光武其昌事列盟府功  
書太常源分陸海派別三江懿彼侍中飛纓殿  
內爲王之伯熙帝之載左貂右蟬切問近對八  
舍攸履七車不昧散騎帝友朝夕進規奉輿肅  
事贊道攸宜有濟之論兼濬之儀獻替之美復  
在於斯桓桓積石允文允武外擅爪牙內爲心  
膂氣逸南仲才高召虎作師之貞爰誓其旅豫

章太守人之領袖如玉之貞如松之茂共理天  
下寔資時秀良二千石抑非虛授惟君挺生材  
術縱橫黃裳元吉白賁永貞荆巖植潤漢水騰  
明是謂家寶膺茲國楨英英學藝爲郎滿歲紫  
帳趨榮青縑沐惠王譚練習鄭泰才計持實有  
章大猷無替悠悠廣熙南海之湄言典斯郡遠  
于將之變其風俗鎮以宣慈人斯攸賴吏不忍  
欺列郡之政茲焉爲盛開國承家大君有命山  
川光錫圭組輝映是曰懋功往哉惟敬重此台

望期諸棟隆初欣鄭鹿奄歎虞鴻麟傷孔子馬  
思滕公死而可作善始令終言式其墓崇山之  
路如斧載形廣輪爲度委鬱松檟蒼茫草露萬  
古同悲千春罷曙猗歟雲允世豈乏賢不忘其  
本願述其先陸家茂德潘氏流泉闕一字聲懿範日

月俱懸

唐景龍四年所作  
其碑字多磨滅

**史雅墓**在溧陽縣東六十里

舊志

**考證**晉書雅爲散騎常侍

**史輝墓**在溧陽縣東六十里

舊志

建康志卷四十三

二十

**考證**晉書輝爲積石將軍

**呂負墓**在溧陽縣東北五十里

舊志

**考證**晉書負爲安西將軍南蔡州刺史

**周琛墓**在溧陽縣西南三十里

舊志

**考證**晉書琛爲遂安太守

**紀瞻墓**在句容縣東南二十五里

舊府志云在縣一  
里縣志云在東南

二十五里府遠而  
縣近今從縣志

**考證**晉書穆侯諱瞻有宅在烏衣巷今有古碑

在縣圃易并堂碑字磨滅僅辨其額云晉故僕

射散騎常侍大將軍開府儀同三司紀穆侯之  
銘後有胡克充跋未詳何代人字漫不可辯  
知縣山陽真元弼題云紀思遠之碑自東晉明  
帝時逮今元豐癸亥歲僅千餘年可謂遠也已  
然風霜剝裂字皆漫滅惟題額存焉石亦斷而  
爲二僵仆於道旁幾爲農夫野老所壞故置之  
縣宇之東軒屋壁間蓋以其古物可貴爾後之  
好事者願常護之勿使毀也 知縣邗城張侃  
題云元豐癸亥邑令山陽真公元弼取紀穆侯

碑陷東軒壁間且識歲月後百三十四年寶慶  
丙戌邗城張侃得之邑後圃榛棘中拂塵而觀  
題額尙存因誦古物可貴護使勿毀之語益信  
前輩所謂風霜湮淪磨滅散弃於山崖虛莽未  
嘗收拾良可惜也初明帝引穆侯於廣室論社  
稷之臣屈指君便其一班班史冊觀此則銘章  
頌美又下一等遂買石作趺移置於易并堂左

**宋謝濤墓**在上元縣土山

**考證**淨名寺得古碑云宋散騎常侍謝濤元嘉

十七年葬于揚州丹陽郡建康縣東鄉土山里

**王夫人墓在土山**

**考證**大明七年夫人琅邪王氏合祔于土山里

謝濤之墓有古碑可考夫人之祖曰獻之父曰

靜之

**冥漠君墓在東崗**

**考證**宋書元嘉七年彭城王義康修東府城城

塹中得古塚為之改葬東崗使法曹參軍謝惠

連為文祭以豚酒不知其名字遠近故假為之

**號曰冥漠君**

文云元嘉七年九月十四日司徒

曜令亭侯朱林具豚醪之祭敬薦冥漠君之靈

忝總徒旅板築是司窮泉為壘聚壤成基一柳

既啓雙棺在茲捨畚悽愴縱錘漣沔芻靈已毀

塗車既摧几筵糜腐俎豆傾低盤或梅李盞或

醢醢蔗傳餘節瓜表遣犀追惟夫子生自何代

曜質幾年潛靈幾載為壽為天寧顯寧晦銘誌

湮滅姓字不傳號冥漠君永垂千年**馬公**之

**純**詩經營東府役紛紛掘土城壕得古墳但見

雙棺垂欲朽不知何世了無聞遂令移殯北壙

上仍與號為冥漠君萬事到頭成幻滅祭時猶

讀惠連文**虞部楊公備**詩柴壘穿壕見古墳

聞 萬古

**宋宗愨母鄭夫人墓在秣陵**

**考證**皇祐中金陵發一墓有石志乃宋宗愨母夫人墓有誌無銘不著書撰人名氏其後云謹牒子孫男女名位婚嫁如左蓋一時之制也按愨本傳與此志歷官終始不同傳云孝武卽位以愨爲左將軍累遷豫州刺史監五州諸軍事討竟陵王誕入爲左衛將軍廢帝卽位爲寧蠻校尉雍州刺史卒此誌乃大明六年作云爲左衛將軍監交廣二州湘州之始興冠軍將軍平越中郎將廣州刺史始遷豫州刺史監五州軍

事又爲散騎常侍左衛將軍領太子中庶子荊州大中正而傳皆略之愨南陽涅陽人而此誌云涅陽縣都鄉安眾里人又云窆於秣陵縣都鄉石泉里都鄉之制前史不載

**謝惠連墓**在上元縣本業寺相近

**考證**唐保大中里人孫熹等常建碑

南譙張晉孫詩幾年

夢草句難成一日春風草又生來  
謁荒墳空展轉小塘幸有謝公名

**齊巴東公墓**在棲霞寺側有墓碑字皆不可辯其額

云齊故侍中尚書令丞相巴東獻武公之碑

**齊海陵王墓**在金陵

**考證**夢溪筆談曰慶歷中予在金陵有甕人以方石鎮肉視之若有鐫刻取石洗濯乃齊海陵王墓誌謝朓撰并書其字畫如鍾繇可愛予携之十餘年文思副使夏元昭借去託以墜水

**齊王孝恭墓**在溧陽縣東南二十八里

**考證**齊史孝恭爲散騎常侍

**梁始興王墓**去城三十里

**考證**南史梁始興王蕭檐謚曰忠武墓在清風

鄉黃城村有石麒麟四及神道碑云梁故侍中司徒驃騎將軍始興忠武王之碑

**安成王墓**去城三十八里

**考證**梁安成王蕭秀字彥達謚曰康墓在清風鄉甘家巷有石麒麟二石柱一神道碑二題云梁故散騎常侍司空安成康王之神道又南史云佐史夏侯亶等表立墓碑誌王僧孺陸倕劉孝綽裴子野各製其文欲擇用之而咸稱實錄遂並建于墓今存者二其一已磨滅其一字畫



間有可辯乃孝綽文也

**臨川王墓**去城三十里

**考證**南史臨川王蕭宏字宣達謚曰靖惠其墓在北城鄉有石柱碑二題云梁故使黃鉞侍中大將軍揚州牧臨川靖惠王之神道

**吳平忠侯墓**去城三十五里

**考證**南史梁吳平忠侯蕭景字子照謚曰忠墓在清風鄉花林村之北有石麒麟二石柱一題云梁故侍中中撫將軍開府儀同三司吳平忠

建康志卷四十三

二十五

侯蕭公之神道

**建安侯墓**去城三十五里

**考證**南史建安侯蕭正立謚曰敏其墓在淳化鎮西宋野石柱塘有石柱二題云梁故侍中左衛將軍建安敏侯之神道

**南康簡王續墓**在句容縣西北二十五里

**范府君墓**梁招遠將軍臨川王國侍郎范府君墓在溧陽縣東北五十里

舊志

**史府君墓**梁散騎常侍兗州刺史史府君墓在溧陽

縣東北五十里

舊志

**周洪正墓**在

縣東三十五里

**考證**梁元帝平侯景於江陵嗣位洪正諫帝不納江陵果陷洪正兄弟遁歸金陵大同末洪正嘗因著占謂弟曰國家危在數年間吾與汝等不知何處逃形及帝納景又曰禍至矣

**陳王僧辯墓**在方山下

**考證**僧辯爲陳霸先所害父子七人束以葦席同座一穴宣帝天嘉中故吏衛卿許亨抗表請以家財造墓葬之

**唐顏尚書塚**在縣東來蘇鄉後顏村石龜尚存淳熙十一年顏運使度重建祠堂

**考證**實齋王公遂因閱縣志見所載來蘇顏墓屬邑士高元龜訪求遺跡所在得尚書墓隧於荆榛間隧門龜趺儼然如舊顏氏子孫之居是鄉者出淳熙年間江東計使顏公度蠲租故籍以白元龜好義者也因屋墓前而祠之實齋感慨忠義援筆作記推原魯公從容就死之志其

目有四繼得魯公集讀之乃知魯公之墓實在  
長安今來蘇之墓尚書墓而非魯公墓也按魯  
公所撰靖侯舍太宗碑則知自含以下七葉皆  
葬金陵就七葉中言之如延之之子曰竣日奠  
蓋魯公八世從祖皆嘗歷位尚書則來蘇所謂  
顏尚書墓者豈其人耶

**許司徒墓**在句容縣東白土奉聖寺側今寺中有捨  
寺墓碑見存

**史仲謨墓**唐越王府東閣祭酒史仲謨墓在溧陽縣

東北三十里西山之前賈曾爲之碑

**史務滋墓**在溧陽縣東北三十五里

**考證**務滋仕唐通議大夫守納言詳見古人今表

**劉府君墓**在溧水縣北三十五里

**考證**唐文藝傳劉太真宣城人善屬文師蘭陵  
蕭穎士爲信州刺史卒葬於此

**李順公墓**在金陵鄉七里鋪去城十二里

**考證**公名金全字德鏐有神道碑題云唐故開  
府儀同三司檢校太尉兼侍中贈中書令李順

公神道

**張懿公墓**在金陵鄉石頭城後去城一十里

**考證**公名君詠字德之有神道碑題云大唐順

天翼運功臣特進守太子太傅上柱國清河郡

開國公張懿公神道

**高越墓**在棲霞寺舊門外北山之麓去城四十五里

有石題云侍郎高府君墓南唐人也

**韓熙載墓**在梅頤崗

**考證**熙載病卒後主謂近臣曰吾竟不得熙載

為相乃追贈平章事謚文靖葬于此

**荊將軍墓**在溧水縣南四十五里因羊左事始知有

荊將軍墓

**盧循道王師乾墓**在句容縣東一十里

**葛府墓**西平將軍杜陵侯葛府墓在句容縣西七里

有碑

**雙女墳**在溧水縣南一百一十里

**考證**雙女墳記曰有雞林人崔致遠者唐乾符

中補溧水尉嘗憇于招賢館前有塚號曰雙女

墳詢其事迹莫有知者因爲詩以弔之是夜感  
二女至稱謝曰兒本宣城郡開化縣馬陽鄉張  
氏二女少親筆硯長負才情不意爲父母匹于  
鹽商小豎以此憤恚而終天寶六年同葬於此  
宴語至曉而別

元懿太子攢宮

高宗皇帝建炎元年五月十三日申時生太子三年車駕在建康 行宮太子得疾未瘳有金香鼎置于地宮人誤觸之仆地有聲太子應時驚搐不止上命斬宮人于廡下少頃太子薨實七月十二日也攢于府城內西治城後鐵塔正覺寺法堂西偏小室中紹興元年二月二十九日三省同奉

聖旨給降度牒一十道付建康府專一應副修葺日輪軍員兵級防護本地分官旬具平安狀申府春秋

差官祭享

楊忠襄墓在南門外

**考證**建炎元年江寧府禁卒周德叛溧陽縣卒起應之楊公邦又爲宰論止之不聽乃設方略圍捕殺之且檄隣邑共入討賊賊以故不得逞卒就擒事聞於 朝遷本府通判三年十一月虜犯建康官吏皆降虜邦又獨不從罵虜酋口不絕寧作趙氏鬼不作它邦臣虜剖其心以死

詳見表及傳

紹興中游公九言作墓道碑慶元初趙

師農立石

也碑云所貴乎大丈夫者為其有耻心

其無以自立於天地間有重於生故也如其不耻則大丈夫不足為難而名義不重矣建己西金虜寇江駐東采石先是車駕幸越杜充以宰相總諸道兵鎮江左前執政李稅供饗事顯謨閣待制陳邦光守建康充懦不能戰以軍六萬人列江岸乃閉壁莫敢出虜謀知遂渡江我師自潰充與麾下數千降虜北去虜入建康稅先降邦光欲棄城度不能遁亦降通判楊公邦乂獨不從大書其衣裾日寧作趙氏鬼不為它邦臣授其僕曰持此以見志吾死矣稅邦光慚謝猶強擁公叱曰我師降何拜見虜酋四太子者命之拜公叱曰我師降何拜見虜酋四太子明日遣其將張太師諭公授以舊官公以首觸階陛求死虜大驚止之徐曰公所守固高然勢去矣第歸審思之明日復來公亟移書其酋曰世豈有不畏死而可利動者幸速殺我又明日

四太子觴二降人於堂上樂作召公立庭下公注視稅邦光曰天子以若扞城賊至不能抗又不守節更與共燕樂尚有面見我乎虜取幅紙書死活二字謂曰無多言即欲死書於下則顧劬吏有簪筆者躍起奪而書曰死於是虜皆動色又使引去明日再以見公遙望四太子遂大罵若夷狄而圖中原天寧久汝行礫萬段尙安得汚我虜怒使人疾擊挺交下公罵不絕口見殺剖腹取其心明年虜去州以事上聞詔贈直祕閣官其子二人即死為墓立廟賜謚忠襄九言嘗謂節義者國家之元氣也人無元氣則死國無節義則亡朝廷有仇直之風則遇變多伏節之士大丈夫臨難不可免遂以身死之多所以立君臣之大義明逆順之理使人之事者曉然知廢義背理決不可以立乎天地之間其有功於名教也大矣嗚呼我國家涵養二百京師自熙豐一壞蔓延以至政宣變起倉猝當時

之難一時有位人人如數公戎虜安得談笑而  
 移城闕又使靖康之難無公等數人南渡何以  
 中興然則有國家者平時獎崇正直扶持人心  
 其可忽乎以建康論之杜充輩皆宰執侍從相  
 倡降賊公以州佐貳乃挺然若此則官職又可  
 輕予乎使朝廷以充之柄授公之手城未必遽  
 陷今既敗事在公報國之義固已無負而朝廷  
 所失何如哉此又為古之忠義之士所深嘆也  
 公吉州人政和乙未進士後十九年建州游  
 九言為吏金陵再拜墓道嗟歎而為辭曰山雲  
 起兮陰陰木嘯風兮蕭森骨荒榛兮頽隧野鳥  
 怨兮清音噫丙午兮燕安藹薦紳兮多盤繫苞  
 桑兮弗戒渝舊兮好兮開邊釁生兮召戎瀕大  
 兮塵蒙祭承干兮百載莽夷門兮廟宮我踰地  
 兮梁山蛇游食兮慨陳人自靖兮身寧為鬼兮  
 兮後先獨立兮庭肴醕飼兮苟哺弗自知兮  
 趙氏肯涅緇兮虞庭肴醕飼兮苟哺弗自知兮  
 貌頽握玉麟兮拜犬豕曾莫嗅兮羶腥豈曰余  
 嘗慶元戊午春修職郎建  
 廟貌圭袞兮千古之光春秋兮代謝勿替兮烝  
 兮幽藏頽陽照兮山荒髮毛爪齒兮一羽輕翳  
 兮清寧凜名義兮身世九鼎重兮一羽輕翳  
 兮獨死汝尸坐兮偷生振英聲兮塔下氣烈動  
 康司戶參軍趙師晨立石

建康志卷四十三

王舒王墓在半山寺後

翰林給事張唐公墓在上元縣長寧鄉呂惠鄉作誌

資政管元善墓在句容縣下蜀鎮柔信鄉之原白時

中撰誌銘

績文川流岳峙暨于從政激濁揚清有施有守  
 偉其休聲濟是顯融持囊珥筆獻替絲綸左右  
 密勿出殿方面入躋廟堂謀猷來告愍恤有  
 章惟其令名詔于後裔勒茲堅珉幽宮永闕

銘曰管以國氏世遠而分龍泉著姓  
 自公有聞公姿粹秀渾然德器種學



楊忠介墓在上元縣鍾山鄉

**考證**楊宗閔字景齊代州崞縣人太傅和義郡

王存中之父也屢立戰功建炎元年十二月金

人犯永興衆以永興無備勸宗閔去宗閔曰吾

結髮從戎蒙 國厚恩行年六十有七唯有死

耳他非所知明年正月城陷血戰而死贈太師

魏國公謚忠介其子存中招魂葬于鍾山敷文

閣待制劉一正爲之銘

楊爲顯姓世澤以滋由漢及唐別派分支公家

鴈門奕奕有聞儒學相授位微德尊公曰丈夫志尚各異我必以功自見於世惟時夏董跳梁

干紀躡我西陲幾無寧歲公初卽戎氣已蓋衆  
雙帶兩韃射則命中慶戰腥羶采踐斥鹵固敵  
是求計不返顧公身居先將士內激凡師所臨  
當百以一料敵制勝不愧古人機變橫出捷若  
鬼神晚佐永興遭時難虞連城不守援絕勢孤  
人或謂公子盍去諸公曰國恩必報以軀帝爲  
嗟悼告第疏榮孰慰忠魂公有孝孫孝孫翼  
位在九棘勳名孔昭恭慎靡忒光大厥家未見  
窮已天其資  
公孫又有子

葉狀元墓在上元縣宣義鄉

**考證**葉祖洽字惇禮熙寧三年廷對第一官至

徽猷閣直學士太中大夫政和七年四月六日

終于眞州寓舍詔賜賻加等贈宣奉大夫郡具

葬事以九年正月二十五日合葬于江寧府上

元縣宣義鄉鴈門原夫人之墓上官均撰誌銘

銘曰惟士狃常文溺而弊纂組葩華滯失根抵  
神宗獨運以古為制章明六經策以經濟惟公  
衰然眇視儕類放詞汪洋克當帝意聲名偉  
如多士嗟喟峻陟蓬山炳燠郎位出殿侯方入  
聯近侍天官之宗權衡百吏帝咨其人惟公  
之試有謀必陳有作必遂峙立孤騫弗傾弗倚  
俗方喜同公則弗隨眾為遜恭公以簡持安于  
譽誹自信不疑投問經書研道之微尚期奮飛  
為國之毗孰云其亾士友嗟歎年豈不多位  
克躋有鬱其中不究其施銘幽宮以永其垂

太師秦檜墓在牛首山去城十八里

大資秦梓墓在溧陽縣南屏風山

建康志卷四十三

三十四

少保威定王德墓在上元縣鍾山之原

傅勇撰神道碑

銘曰赫赫炎宋中興丕基蕩攘  
岨起感會風雲鷹揚萬里靖康之初手擒黠虜  
大振天聲名聞聖主管虎跳梁震驚漢沔戎略

一施二逆成就  
風威遠暢成挾強援  
獸駭遇寇江夏鋒如蝟  
淮海震擾大駕南巡招懷降附獨成一軍亟趨  
東吳覬清國難賊壓和壘民墜塗炭求援於公  
乃麾偏將昱彥授首軍容益壯傳等造變以逞  
異圖公奮袂起期於誅鋇逆臣既擒天子復辟  
乾維再張公與有力繼聞胡馬南渡武昌卷甲  
而趨直阨其吭虜進無所其退艱勢益窮蹙  
歛軍北還公奏凱旋將迎隆祐未達顛上命誅  
妖寇嘯聚貴谿曰王念經僭竊大號恃險憑陵  
師涉彭蠡江等遊魂嬰公之鋒如火燎原尋歷

鄱陽鄱陽危急文舜猖狂矢石四集公重圍  
敵人褫魄指顧之頃凶渠盡獲爰乘雨勢擣念  
經壘枹鼓一鳴巢傾卵毀控扼天塹屏蔽京口  
羣議退保公請死守仲威恃衆翱翔揚土公手  
擒之不煩一旅清蹂江壩公乃拔劔破之崇朝  
遏其虐燄琳劫其衆歸身逆徒不容旋踵磔死  
當塗逆雜惟麟悉衆肥水公往驅之曾不折筭  
應援西穎公方整旆羣醜謀知望風奔潰就襲  
斬邑虎視宿城耶律面縛一塵不驚兀术精甲  
踰十萬衆長驅江滸利與我其于時分兵將保  
江東公請先登以折其衝獨麾虎旅夜涉采石  
父子捐軀誓死於敵賊陳柘臯旌麾塞空公親  
合圍首挫其鋒繫公之勝衆方堵進名王貴酋  
殲夷殆盡由茲一戰敵勢大摧不敢南鄉飲馬  
長淮獯鬻可汗共來桀驚視公凜然乞盟請好  
躋時承平疆場肅靖舍爵策勳節旆是命當宁  
憫公久膺煩劇聽解軍務俾就安適聖恩隆厚  
其誰公如總符江陵雍容其都臥鎮上游控制

建康志卷四十三

忠壯李節使墓在溧陽縣西北青龍山之南

**考證** 邈字彥思臨江軍人靖康元年八月詔以  
邈知真定府事邈至守備單弱金人入寇己未  
兵薄城下辛酉虜圍城邈率其麾下且戰且守  
而援兵不至十月戊戌城陷邈巷戰不克將赴  
井死左右持不得入斡離不脅邈拜不拜以火  
燎其須眉及兩髀亦不顧虜問邈團境內民使

擊我謂我爲賊何也邈曰汝負盟所至掠吾金帛子女非賊而何虜不能屈乃拘於燕山府久之欲以邈知滄州笑不荅且說虜曰天下疆弱安有常吾中國適逢其隙爾汝不以此時歸二聖及兩河地歲取重幣如契丹以爲長利疆尙可恃乎虜諱其言命邈祝髮左衽邈憤詆虜甚力虜以搥擊邈口流血邈復吮血暝之翌日自去其髮爲浮屠虜於是大怒遂擊邈死時建炎二年也紹興二年招魂葬此葉叅政夢得爲之銘官至青州觀察使眞定府路安撫使贈昭化軍節度使謚忠壯

**四廂王節使墓**在上元縣鍾山鄉棠梨山

**考證**王瑋字君瑞隴西成紀人紹興中屢立戰功官至四廂都指揮使贈節度使陸敦臣撰誌銘碑字斷缺

**贈節度使盛新墓**在上元縣宣義鄉武岡山

**考證**基記略云盛新亳州人以勦賊功賜承節郎後因虜寇犯境結忠義三千人隨張俊

護駕南渡轉官至武功大夫差充建康府中軍統制次差充太平州采石鎮水軍統制紹興

辛巳虜主完顏亮入寇屯兵和州謀自采石渡江時都統制王權往建康府稟議軍事存留張提舉諸軍一行事務官遊奕軍張統制在石跋岸備禦其虜主於臺上親麾紅旗進發人船自北岸徑行衝突南岸盛新賈勇將士以海鯨船一十隻道先破敵賊船復楊林岸下時中書虞舍人宣諭江上至石登山觀戰陣發使收兵保守南岸申發報捷新蒙恩加官至中亮大夫正任濠州團練使淳熙二年追錄前勞特贈福州觀察使繼贈昭慶軍節度使

**待制錢端修墓在溧陽縣南上墟村**

**考證端修諱時敏溧陽人擢政和二年上舍第**

**紹興初監修行宮官至中大夫敷文閣待制**

**李公處全誌其墓**

苗傳劉正彥之變呂忠穆公頤浩以簽書樞密鎮金陵謀

帥師勤王公時為修行宮官屬力贊之預草請復辟表置懷中一日出以告忠穆公曰艱危如此公以見執政處方面討叛職也勿居它人後忠穆聳然即日提兵趨行在所表語有曰太母以柔靜之身高居嚴邃皇帝以幼冲之質淵默臨朝陛簾之間天地相隔萬一羽書交至變故乘時則迫切之虞可勝道哉惟念神器之大祖業之重不憚再四請復明辟親攬萬機以南眾心然後思致寇之由奮撥亂之略據東南形勝以圖西北期以歲月中興不難致矣張魏公浚時以防遏使留平江同勤王之舉得表俾騰本傳四方讀者增氣發運副使呂源覽之泣下曰國有人焉可無憂矣公獨以不獲執鞭弭從諸軍周旋為恨及事平諸司表賀往往多出公手始入朝見大臣于庫堂首言今軍旅方興戎幕所辟置要須智謀略之士否則伏節死義之人今蜀僚輩中非奔競無恥奴事諸將為求官射利之計則陰負咎累絕進

取望者苟祿自私微俸技拭而已至於倉卒見  
敵欲決疑定議則托儒為姦緣飾前代欺惑主  
將惟務退縮自為身謀國家何賴焉乞悉  
從堂選以革前弊切中時病識者韙之

### 龍學錢元英墓在溧陽縣燕山之原

**考證元英諱周林溧陽縣人鄉舉第一登建炎**

二年進士第嘗為

孝廟潛邸舊僚再掌內外制官至龍圖閣學士

### 尤公袞撰誌銘

銘曰堂堂錢公一世之師騰實  
蜚英自其少時疇不工文體弱  
氣萎公以道德養其華滋雅健雄深盤詰爭奇  
士以文顯器識或卑公所踐履明白坦夷在險  
弗渝在涅弗淄有文有行於政或迷公之應事  
如燭與龜所居可紀所去見思校讎道山弭筆

右螭進登掖垣遂掌訓詞大冊雄篇星晶日暉  
常揚燕許厥問四馳帝在初潛公始受知執經  
王府四閱歲膏帝既踐阼公方奉祠曰予舊學  
其亟來歸公來自西天子曰嘻久不見卿乃今  
未衰勸講華光旋陟瑣闈從容謂公卿當輔台  
棘人樂樂俄反故棲再賜之環終以疾辭皇揆  
方深我志弗移遂上印紱如脫屣羈養浩丘園  
左書右詩胷奇陳有蓄未施人溪大用天不  
怒遣燕山峩峩溧水繚之有崇其  
岡自公兆之懿德清芬世其詔之

### 于湖張狀元墓在上元縣清果寺

**考證張孝祥字安國舉進士第一官至顯謨閣**

學士本歷陽人未第時多留建康隆興中嘗為

留守後葬于此

乾道六年三月郡人朱曠拜墓  
下留詩瘦馬踏亂山盤折度村

塢處處花柳明耕鋤徧壠畝麥苗見膚寸拳屈  
方出土乃知去夏旱布種坐遲暮公墓再拜拭  
未免催迫苦投鞭扣蕭寺來謁張公墓上天去校  
淚行疇昔感知遇盛年厭紛華騎鯨上拜校  
讐三洞章飛仙自儔侶笑唾人間世一品競何  
補世人患死生未究死生故是往本不滅來往  
若寒暑休矣勿復言僧窗睡春雨紹熙庚戌  
中秋後三日門人武陵**竇道輔**拜墓下留詩曉  
出白下門瘦馬踏秋色鍾山度蒼翠慰我遠遊  
客暮投清果寺花草獻幽寂長廊靜無人落日  
照西壁平生張于湖萬里去一息翩然九州外  
汗漫跨鯨脊乾坤能幾時安用較顏拓文章失  
津梁所念斯道厄夜闌耿不寐搔首聽蕭瑟懷  
人感西風翁仲守孤陌上元縣尉**操**拜  
墓下留詩古塚誰來香一瓣斷蓬衰草自  
斜陽至今唯有文章骨埋入幽泉土也香

張防禦保墓在江寧縣鳳臺鄉松林莊之原

建康志卷四十三

三十九

**考證**保字和叔太師循王俊之母弟也佐兄立

功累官至拱衛大夫榮州防禦使留建康十五

年紹興二十六年七月終於私第年六十六

銘曰

黃帝子揮始制弓矢以功賜姓名張爲氏自仲  
孝友世不乏賢猗歟循王克享其全公以母弟  
實侍戎陳攻堅擊強屢犯鋒刃帝曰予嘉好  
爵汝縻八遷橫列震耀一時歸自柘臯約成偃  
武循王入覲留長西府公始脫胄領祠赤城時  
屯建業皆循王兵公居其間思所以處曰余伯  
氏爲國心膂予敢沽譽以惑衆情予敢賈勇以  
憂吾兄迺屏故習沈默閒靜晦智與能不與世  
競十有五年跡不涉疑循王之忠天下益知防  
遏真拜戎律貳總天與善人意公且用鴈序忽  
盡公亦何心憂能傷人一夕古今長干  
之原循王所卜公其寧居貽子孫福

**趙節使彥墓**在上元縣金陵鄉祁家山之原

**考證**彥字公美本祁之深澤人 御前水軍統

制純之父也初隸呂剛中戲下建炎初刳臂納

密書間道走謁

高宗皇帝于相州遂扈 駕駐吳會勤 王平

寇屢立奇功最後以柘臯功進七等乾道元年

十一月卒于建康贈昭慶軍節度使

**趙總管士旰墓**在句容縣政仁鄉慈恩寺

**考證**墓誌云

子周恭肅王之四世孫也靖康丙

午八月生于睦親宅丁未之變公在襁褓養於  
 乳母李氏李適梅氏相與保毓甚謹晦其姓氏  
 紹興己未虜請和公始得同親王居廣徠歸年  
 已十四矣追念父母泯迹朔荒嗚咽流涕殆不  
 能生聰敏長厚以近屬賜名授官及冠奉衡山  
 祠祿于金陵攬形勢之雄壯歎中州之榛蕪謂  
 茲土裏江表淮王烝所聚且距河南地近恢復  
 之本當道於此指日疆土還職方之舊則歸父  
 母邦不遠矣故樂與軍師游譚兵家事以資異  
 峯執戈衛社計於焉謀居蓋有待爾始則卜築  
 南郭外咫尺城闈且有清勝之趣鄉貴大夫慕  
 公高潔競與論交車轍闐殆無虛日公雖天  
 性節儉然雅好賓客有解貂換酒之風居既安  
 不事榮進朝廷嘗以公行尊屬近欲命襲爵  
 主禩公聞之巽謝甚力時議高之故凡奉祠者  
 六食員外監征之祿者三而公處之裕如淳熙  
 辛丑有以公之節行升聞處之裕如淳熙  
 嘉歎特命進秩積階至武經大夫



崔中書墓在溧陽縣南泉山

詩 諱 敦

李戶部墓在溧陽縣北下湯之原

正 諱 朝

董侍郎墓在溧陽縣北前馬里

諱 平

李侍御墓在溧陽縣西南大石山

全 諱 處

魏參政墓在溧水縣

諱 良 臣

王宗丞墓在溧水縣

諱 端 朝

程孫墓在清涼寺後山之麓蓋明道先生程純公五

世孫也諱偃孫本伊川先生五世孫寓居池州

周應合為明道書院山長日請于帥府將求伊

川之後人教養選擇以繼明道之後裕齋馬公

移文池州尋訪太守定齋陳公謀之闔族參之

公舉禮送偃孫來應茲選

江 東 撫 幹 兼 明 道 書 院 山 長 周 應 合 申 照

會書院為明道先生程純公立也固將有以壽  
其道脈亦當思所以壽其家脈今純公之後所  
至未見其人而伊川先生正公之子孫在池陽  
為稍眾擬欲從闔府行下池州委請通判教授  
於伊川先生子孫中自十五至三十歲遴選其  
資質可以進學者五人並禮送書院養而教之  
觀其有立別議區處庶幾為子孫者崇德象賢  
足以嗣續先世之舊而家脈與道脈俱壽矣更  
合取自指揮奉鈞判行池州回申備述通直郎  
新差知興國軍永興縣主管勸農公事兼軍正  
伊陽伯四世嫡長孫程淮筭子照得明道先生  
子二人而端懿居長孫四人而昂居長曾孫六

人其後不復可考准本位伊川先生亦二子四  
孫曾孫八人元孫十二人仍孫見止十人來孫  
見止四人可以遷繼明道者實難其選獨節之  
之子濤濤之子偃孫乃伊川一氣之正派可爲  
明道後節之與克家爲兄弟若空一代而以偃  
孫爲克家之孫於法亦通然不可使節之無  
後也今莫若全以節之一位三世爲明道先生  
嫡孫昂命繼節之爲明道曾孫濤爲明道元孫  
偃孫爲明道來孫則明道先生之後世有人  
節之乃伊川長子知軍端中第三子通判晟之  
第五子於通判本位即不相妨雖非禮之正而  
合乎禮之權可以仰稱繼絕之盛德嘗經戶部  
看詳指定伊川先生次子通判第五子節之一  
位三世移繼純公之後按禮援法實爲允當奉

聖旨依劄  
付池州

偃孫年方十七自幼而孤以貧失學

有母六袞無以爲養定齋惻然爲具衣冠而資

建康志卷四十二

四十二

送之既至建康山長率堂長以下告于純公命  
之爲五世孫以掌祠事請于府月廩四百千米  
四石以養其母貼占官屋以妥其居給綿絹以  
完其衣定課程以勉其學委堂長胡淳講書程  
立本任訓導如己子以時察其學之進否專留  
書院薰陶氣質惟休澣日歸省其母非休日不  
許出其後張山長顯注意尤篤蓋其監豐儲倉  
門日嘗納劄廟堂力言此事方冀偃孫之成立  
以嗣家學而偃孫忽以疾終寔景定二年三月

也應合適歸自池陽乃與胡山長立本謀具喪  
歛且請于府偃孫雖死而母無所依仍以偃孫  
存日所得之餐錢養其母終其身秋八月應合  
與翁山長泳謀治葬藏得地于清涼寺後山左  
右環抱面挹江淮咸曰吉壤委講書李朴任其  
事應合泳率諸士友縞服臨送更議爲偃孫立  
繼未得其人姑俟它日

義塚

四門義塚八所今為義阡

紹興己酉

天子大饗明堂詔凡虜所破州縣暴骨之未斂者官募僧道收瘞建康守臣葉夢得度城四隅高原隙地各為穴以待藏在西門清涼寺之南茶山之下者二北門張王廟之西北麟蛇山之下者二南門官道之西越臺之下者二東門官

道之北齊安寺之西者二

掩骼記建康承平時民之籍於坊郭以口

計者十七萬有奇流寓商販游手往來不與建炎己酉冬虜既大入十一月壬戌南渡自溧水徑趣浙留其僞太師張真奴分兵五百薄建康宰相杜充率麾下北去知府事陳邦光以城降虜由是未盡肆其虐別築城於西南隅以居取城中器械子女金帛儲之禁吾民毋得出州城明年夏回自浙東五月復至建康與所留兵合丙午入城始料其強壯與官吏以兵圍守於州之正覺寺散取老弱之遺者悉殺之縱火大掠越三日府寺民廬皆盡乃擁衆去凡驅而與俱者十之五逃而免者十之一死於鋒鏑者蓋十之四城中頭顱手足相枕血流通道傷殘宛轉於煨燼之間猶有數日而後絕者官軍繼收復又二年烏鳶所殘風雨所蝕阡陌溝渠暴骨皆充斥行更踐躓居者雜臥起與瓦礫荆莽相半也紹興辛亥天子在會稽秋大饗明堂詔凡虜所破州縣暴骨之未斂者官募僧道收瘞累數至二百則得度於是

州之寺五得其隸業精勤者二十人益以貧民之餓者食而佐之度城四隅高原隙地各爲穴以待藏出羨穀四百斛錢三百萬以給費爲籍日校其所獲以時檢察之人欣然皆樂效力閱十九日得全體四千八百八十有七斷折殘毀不可計以全者又七八萬以次于穴而城中之骸略盡十二月甲子遂瘞虜之殘酷不道載籍以來未之有也惟天子仁聖將爲斯民請命於上帝而不得則猶欲及其既腐之餘昔文王葬枯骨而天下歸心其葬未必廣也推其所葬以及其所不葬而天下知其可以王矣秦穆公越國而伐人及其敗也能封其尸君子猶許以霸天生斯民必使之生養蕃息以厚其終禍福與奪實將聽之其曰得乎丘民可以爲天子殺一不辜雖得天下不爲者名之曰好生之德然則自虜荐食中國奪天之所厚而殘之蓋不爲量數而吾天子方推其所以好生者一二而收之於後天固享之矣合此億兆無辜

建康志卷四十三

四十五

之冤則亦必有聞者虜之亾其無日乎凡穴廣皆高二丈以其四之三藏骨其一實以土其上封皆高一丈在西門清涼寺之南茶山之上下者二北門張王廟之西北麟蛇山之上下者二南門官道之西越臺之下者二東門官道之北齊安寺之西者二合八塚督役者兵馬鈐轄拱衛大夫寧州防禦使張禧都巡檢武翼郎王利檢者安撫大使司準備差遣奉議郎安自求迪功郎沈正路工畢以狀上尙書明年二月禮部給牒而度者華藏寺五人能仁寺五人保寧寺五人壽寧寺二人

義塚之芻遂爲義阡凡軍民皆雜葬焉垣牆弗設牛羊踐之土淺骨暴過者顙泚甚失揜骼之初意開慶己未馬公光祖再鎮之初惻然動心

封其土繚以長垣在東門者一百五十四丈在  
南門者一百五十八丈在西門者一百九十八  
丈五尺在北門者二百八十九丈五尺爲門爲  
榜嚴其肩鑰非葬祭不啟委上元江寧兩尉綜  
其事選鄰僧之慈愍勤事者掌之東阡則選之  
半山寺南阡則選之宋興寺西阡則選之清涼  
寺北阡則選之永慶寺人各月支錢三十緡米  
一石

**南北義阡**係轉運副使眞公德秀立

建康府城內外昨於嘉定八年內民間困有死  
亾之家無力買地埋葬以致棄在溝壑遂踏逐  
到南北兩門外各有空閑高荒地地段置立兩阡  
差撥僧道專一在各處看管理瘞月支僧道等  
添給錢米內南義阡見造屋三間於毗近殊勝  
寺輪差僧一員行者一人在庵專一看守早晚  
焚修每月本司支錢參貫米壹石目今見係僧  
道明行者濮了茂外有北義阡見係後湖眞武  
廟道士孫守清就行看管每月仍支米壹石

鵲柱牌以江東轉運司新荆南北義阡爲名  
兩阡並委運管提督

遇有貧乏之家欲於義阡埋葬僧行等卽時放  
入不得稍有邀阻及乞取錢物如違許提督  
廳覺察具申本司追究施行

所置義阡地段姑據見定地步尙狹未能開展  
合立定則例每名只許破一丈庶幾不致多  
占地段有妨他人安葬

所破葬地旣以一丈爲準又恐安葬之時廣占  
尺寸合行下尉司先將其地以一丈界爲一  
眼令深五尺以防他日墾滅止許於眼界內  
安葬所有坐向却從其便

看管僧道並不許拋離如點檢得不在其本月  
錢米更不支給

所葬人姓第於簿內抄上

義阡葬地如已遍滿卽申本司支錢取掘焚化  
有子孫親屬者令其自行舉化其日隨宜添  
請僧員就庵修設功德追薦

葬穴不可太淺庶免他日暴露仰僧行告報定  
要掘深五尺

### 覆舟山下義塚

端平三年十二月十五日制置使陳尙書鞞調  
兵勦虜江北戰而死者甚衆遂於建康府北門  
外覆舟山龍光寺側擇地開二大穴甃以灰磚  
凡陣歿將士骸骨悉收而葬之給牒度二僧以  
守其塚給田百五十八畝有奇以其租入爲每

月供享忌日追薦之用版榜寺門

勘會當司昨於建康府城

### 建康志卷四十三

### 四十八

北門外龍光寺側擇地結砌曠口勦韃塵戰陣  
歿將士墳塚以妥忠魂除給度牒貳道付本寺  
度僧看管外所合給田與寺中每年修忌逐月  
供養尋呈僉廳書擬忌辰欲用拾貳月拾伍日  
塵戰日分逐月供養欲用衙日所是田畝契勘  
得鍾山鄉婁立中戶絕見在制司收租計壹伯  
伍拾捌畝一角肆十步伍分與龍光寺附近歲  
收小麥二拾八斛二斗一升米參十四斛伍斗  
陸升陸合欲全撥此項給據付本寺逐月忌辰  
之用仍牒建康府劄僧正司版榜本寺照應

### 大使馬公光祖任內修四義阡東西南北四義阡各

在城外死而無歸者給棺槨殯焉歲久樊墻頽  
圯牛羊從而牧之暴骨如莽後殯者多發前塚  
棄枯骼而納新柩先是雖屢行禁止然綱維無



人率是具文 大使始命上元江寧兩縣簿尉  
分其責月給十八界二十貫酒四瓶又踏逐寺  
之去阡近者東半山西清涼南宋興北永慶分  
命主僧經理營繕繚以修垣置門啟閉鑰則寺  
僧掌之月各給十八界六貫米一石又慮東義  
阡之去半山遠也創庵三間就寺選僧行各一  
名守視凡遇殯葬官給土工十八界五貫量棺  
之短長廣狹深穴而厚封立牌標記西南北亦  
如之又於清涼寺西偏得地三十餘畝以廣西  
阡依山爲牆自是皆無蹂躪之患凡築牆五百  
八十一丈爲庵一爲門四共糜錢十八界四千  
三百餘貫米七十餘石